

მწყემსისა და წინამძღურისა მიმართ,  
რომელი-ესე მისცა სხუათა ამათ  
პირველთქუმულთა თავთა თანა იოვანეს, რაითისა  
მამასახლისსა, რომელსა ეთხოა მისგან, რადთა  
დაუწერნეს სწავლანი მონაზონებისანი

ქუეყანისა ამის წიგნსა შინა მე შენ, ღმერთშემოსილო, ყოველთა უკუანაღსკნელ დაგწერე, ხოლო ზეცისასა მას, მრწამს, ვითარმედ ყოველთა უწინარეს იყო პატივითა საღმრთოსა მას წიგნსა შინა დანერისაჲთა, უკუეთუ ჭეშმარიტ არს თქუმული იგი, ვითარმედ: „რომელნი იყვნენ უკუანაღსკნელ გონებითა, იქმნენ პირველ ყოველთასა პატივითა“ (შდრ. მათ. 20,16).

1. მწყემსი ჭეშმარიტი იგი არს, რომელმან წარწყმედილნი სიტყვრნი ცხოვარნი უბინოებითა თვსითა, მოსწრაფებითა და ლოცვითა მოძიებად და აღმართებად შეუძლოს.

2. მენავეთმოძღუარი იგი არს, რომელსა მოელის ძალი უხილავად ღმრთისა მიერ და თვსთა შრომათაგან – არა ოდენ ღელვათაგან, არამედ უფსკრულთაგანცა აღმოყვანებად ნავისა.

3. მკურნალი იგი არს, რომლისა სული და ჳორცნი იყვნენ მრთელ და უვნებელ, და არავისგან ეჭმარებოდის წამალი.

4. მოძღუარი იგი არს, რომელსა მოედოს საცნაური წიგნი გულისჴმის-ყოფისაჲ, თითითა ღმრთისაჲთა დანერილი, რომელ არს ძალი ბრწყინვალეებისა მისისაჲ, და სხუათა წიგნთაგან არაჲ ეჭმარებოდის.

5. უშუერ არს მოძღუარი იგი, რომელი წერილთაგან ოდენ ასწავებნ, და მხატვარი, რომელი მაგალითისა თვნიერ ვერ გამოხატვიდეს.

6. რომელთაჲ გნებავს სწავლაჲ ქუეყანასა ზედა, ზეცით ასწავლიდი, და სახითა საქმეთა შენთაჲთა ასწავლიდი სხუათა.

7. ნუ დაივიწყებ მეტყუელსა მას, რომელი იტყვს, ვითარმედ: „არა კაცთათჳს, არცა კაცთა მიერ ვასწავლი სწავლასა“ (შდრ. გალ. 1,1), რამეთუ ქუეყანისადათა სულისა სენი არა განიკურნის.

8. მენავეთმოძღუარმან კეთილმან განარინის ნავი, და მწყემსმან კეთილმან ცხოველ-ყვნის და განკურნის სნეულნი ცხოვარნი.

9. როდენ ცხოვარნი იგი მორჩილებით და მოუწყუედელად შეუდგენ მწყემსსა, ეგოდენ მწყემსმან მან მიუგოს მათთჳს სიტყუად უფალსა მათსა.

10. ესროდენ სიტყვთა მწყემსი მცონარებისაგან ანუ ნაყოვანებისა დარჩომილთა ცხოვართა, რამეთუ ესეცა სახე არს კეთილისა მწყემსისადა.

11. ოდეს ცხოვართა სიცხისაგან და შრომისა ამათ ჯორცთადასა იწყონ სულითა დაძინებად, მაშინ უჴმს მწყემსსა მათთჳს უფროჲსად ზეცად ხედვად და მღჳძარებად, რამეთუ ჟამსა მას მის სიცხისასა მრავალნი განრყუნის მტერმან. ხოლო ან, ვითარცა ცხოვართა თანა ვხედავთ წესსა, რომელ ჟამსა სიცხისასა თავთა მათთა ქუეყანად დაიდრეკენ, ეგრეთვე ჩუენ გკლირს სიმდაბლჳ ურთიერთას, რამეთუ წერილ არს, ვითარმედ: „გული წმიდად და სული მდაბალი ღმერთმან არა შეურაცხ-ყოს“ (ფსალმ. 50,19).

12. ღამისა სიბნელესა, რაჟამს მოადგიან მჴეცნი სამწყსოსა, მაშინ დააბიან ძალლი ღამისა საჴუმილავსა შეუძრველად, რადთა აყენებდეს მათ. ხოლო შენ სიბნელესა მას შინა ვნებათასა დაადგენდი შენსა მაგას გონებასა, მჴეცთა მომსრველსა, მცველად სულიერისა მის სამწყსოდას.

13. ესეცა ჩუეულებად ბუნებისადა ყო სახიერმან ღმერთმან ჩუენმან, რომელ, ხედვიდიან რად სნეულნი მკურნალსა, იხარებდიან, დაღაცათუ არას ჰკურნებნ.

14. მოიგენ შენცა, ჰ, საკკრველო, წამალნი და სადებელნი

წყლულებათა ზედა: ემპლასტროდ და გამაჯმობელნი წყლულისანი, და წამალნი შესასუმელნი, და საოლაფნი თუალთანი, და დამკრველნი განტეხილთა ასოთანი, და განსანმედელნი შარავთანი, და დამაყენებელნი სულმყრალობათანი, და განსაჯსნელნი ძარლუთანი, და ჭურჭელნი დანუვისანი, და საცხებელნი წყლულთანი, და წამალნი საძილონი, და მახვლნი განსაკუეთელად, და შესახუეველნი შემუსრვილთანი. უკუეთუ კულა ამის ყოვლისაგან ცარიელ ვართ, ვითარ ვაჩუენოთ ჯელოვნებად მკურნალობისად, რამეთუ სასყიდელნი არა-თუ სიტყვთნი არიან, არამედ საქმითნი.

15. ემპლასტროდ არს განკურნებად ვნებათა ხილულთა ჯორციელთად.

16. შესასუმელი წამალი არს კურნებად შინაგანთა ვნებათად და წარმოცარიელებად ბილნებისა უხილავისად.

17. განმაჯმობელი სისხლისად წამალი არს გინებად და შეურაცხებად, რომელმან ატკივნის გულსა და განკურნის, და განაჯმის სიმსივნე და სიმპალე ამპარტავანებისად.

18. საოლაფი არს თუალთა სულისათა, შემრლუეულთა გულისწყრომისაგან, განმწმედელი მხილვებად.

19. ძარლვს განსაჯსნელი ჭურჭელი არს მსწრაფლი წარმოცარიელებად სიმყრალისა უჩინოვსად.

20. ძარლვს განსაჯსნელი ჭეშმარიტი არს მსწრაფლი და ფიცხელი კდემად საკურნებელად სნეულთა მათ.

21. ღრუბელი განსანმედელი არს, შემდგომად ძარლვს განკუეთისა მის, ტკბილთა მიერ და ღმობიერთა სიტყუათა მწყემსისა და მკურნალისათა განსუენებად სნეულისა მის.

22. დასანუველი არს კანონი, მიცემული ჟამ რავდენმე სინანულად და ცხორებად სნეულისა მის.

23. საცხებელი არს შემდგომად დანუვისა სიტყვთა ანუ ნუგეშინისცემითა ჯორციელითა ნუგეშინისცემად სნეულისად მის.

24. საძილი არს ტვრთვად ტვრთსა მას მორჩილისასა, და რადთა მორჩილებისა მიერ მოატყუას მას განსუენებად, და ძილი უძილი, და სიბრმვ კეთილი ვერ ხედვად თვსთა სა-თნობათა.

25. სახუეველი არს მზუაობრობისაგან დავსნილთა მო-ვსენებითა სიკუდილისადათა განმტკიცებად.

26. ხოლო დასასრულსა ყოვლისასა არს მახვლი, გან-ჩინებად და მოკუეთად ასოფსა სულიერისა დამპლისა და უკურნებელისა, რადთა არა სხუათაცა მისცეს თვსი იგი სენი და მლიერი.

27. მკურნალთა შორის სანატრელ არს სულმყრალობი-სა უჩინომყოფელი იგი წამალი, რომელი ოდეს აქუნ, არლა-რა ეცემინ სულმყრალობად. და ეგრეთვე, წინამძღუართა შორის სანატრელ არს უვნებლობად, რამეთუ მათ, რა-ჟამს არა ეცემინ სული სიმყრალისა, ადვილად მივიდოდინ ყოვლისავე წყლულებისა კურნებად; ხოლო ამათ, რაჟამს მოიგიან უვნებლობად, ძალ-უცნ ყოვლისავე სულისა მო-მკუდარისა აღდგინებად.

28. ესეცა უვს წინამძღუარსა სხუათა თანა საქმეთა, რადთა თითოეულსა ღირსებისაებრ მისისა პატივ-სცემდეს და აჩუენებდეს სიყუარულსა, ნუუკუე, ვითარცა იაკობმან-ცა, ავნოს საყუარელსა მასცა და სხუათაცა მისთანათა (იხ. დაბ. 37). ხოლო ესე მათ შეემთხუევს, რომელთა საც-ნობელნი სულისანი არა სრულიად დაეჩვენენ განყოფად კე-თილისა და ხენეშისა და საშუალისა.

29. სირცხვლ არს მწყემსისა, უკუეთუ ილოცვიდეს მიცე-მად მონაფეთა მისთადა, რომელი თვთ არა მოეგოს.

30. ვითარცა, რომელთა იხილიან პირი მეფისა და ყვი-ან იგი მეგობარ თვსა და ყოველნი წარჩინებულნი მისნი, მიერთგან ძალ-უც უცნაურთათვსცა მეფისათა, ანუ-თუ მტერთათვსცა ხუეშნად, უკუეთუ ენებოს, და შეყვანებად წი-

ნაშე მეფისა, ეგრევე წმიდათათს გულისწმა-ყავ, რამეთუ მეგობართა საყუარელთაგან ჰრცხუენისცა მოყუარეთა მათ და ჰმორჩილებენ და მრავალგზის აიძულებინცა მათ მიერ.

31. კეთილ არს, რადთა მოვიგნეთ მეგობარნი – უხილავნი იგი ძალნი, რამეთუ ვერვინ ესრეთ შემძლებელ არს შენვენად ჩუენდა სათნოებისა მიმართ.

32. მითხრა ვინმე ღმრთისმოყუარეთაგანმან, ვითარმედ ყოვლადვეო, არამედ უფროსად საუფლოთა დღესასწაულთა, ღმერთი თვსთა მონათა საკუთართა მიანიჭებს ნიჭთა და მადლთა.

33. უჭმს მკურნალსა, რადთა სრულიად მოსპოლნეს მისგან ვნებანი, რადთა ესრეთ შეუძლოს ჟამსა შინა, ოდეს ჯერ იყოს, რადთა იჩემებდეს რასმე ვნებათაგანსა და უფროსად გულისწყრომასა, რამეთუ უკუეთუ სრულიად არა აღვოცნეს იგინი სულისა თვისისაგან, ვერ ძალ-უც უვნებელად ჩემებად მათი.

34. ვიხილე ცხენი, რომელი ჯერეთ ვერ სრულიად დამწყილ იყო, და ამისთვის ვიდრემდის ლაგამნი მაგრიად ჴელთა აქუნდეს ზედამჯდომელსა, მყუდროებით ვიდოდა. და რომელსამე ჟამსა მცირედ მიუშუა ლაგამთა, და თვთცა ივნო და მასცა ავნო. ესე იგავი, უფროს ყოვლისა, ორთა ეშმაკთა ზედა იქმნების.<sup>70</sup> რომელსა ჰნებავს გულისწმისყოფად, გულისწმა-ყავნ!

35. მაშინ გულისწმა-ყოს მკურნალმან ღმრთისა მიერ მოცემული მისდა სიბრძნწ, რაჟამს სხუათა მრავალთა მიერ უკურნებელთა ვნებათაგან კურნებად შეუძლოს.

36. არა საკვრველ არს იგი მასწავლელი, რომელმან

---

<sup>70</sup> „ლაგამად“ გულისწმა-ყოფების ღმრთისა შიში და კრძალულებად და მარხვად და ზრუნვად წინამძღურისად, ხოლო „ორთა ეშმაკთა“ იტყვს ამპარტავანებისა და ნაყროვანებისასა, რამეთუ სადა იყოს მარხვად და სიმდაბლწ, მუნ ვნებათა არარად ძალ-უც.

კეთილად მოსწავლენი ყრმანი განაბრძნენეს სწავლითა, არამედ რომელმან უსწავლონი და გონებამძიმენი განსწავლნეს და სრულ-ყვნეს.

37. მაშინ გამოჩნდის ინიოხოთა ჴელოვნებაჲ, ოდეს გამოუცდელითა ცხენითა სძლიან, და ცხენნი იგი განარინნიან.

38. უკუეთუ მოცემულ არიან შენდა თუალნი წინაღსწარხედვად ლელვათა ნავსა შინა მყოფთა მათ, წინაღსწარ ეტყოდე. თუ არა, შენ ხარ მიზეზ მათისა დანთქმისა, ვინაჲთგან შენდა რწმუნებულ არს მენავეთმოძღურებაჲ.

39. ვიხილენ მკურნალნი, რომელთა მიზეზნი ვნებისანი სნეულსა წინაღსწარ არა აუნყეს და ამის მიერ ფრიადი შემუსრვილება და შრომაჲ მოატყუეს სნეულსაცა და თავთა თქსთაცა.

40. რაჲზომცა ხედვიდეს წინამძღუარი მონაფეთა მისა მიმართ სარწმუნოებასა, ეგოდენ ყოვლითა კრძალულებითა დაიცვენინ თავი თჳსი საქმეთა ზედა და სიტყუათა, რაჲთა არავის დაბრკოლება სცეს, ვინაჲთგან ყოველნი მას ხედვენ, ვითარცა ხატსა და სახესა მათსა და რჩულსა საქმისა მათისასა.

41. მწყემსი ქეშმარიტი გამოაჩინოს სიყუარულმან სამწყსოთამან, რამეთუ სიყუარულისათჳს მწყემსი იგი კეთილი ჯუარს-ეცუა.

42. სიტყუათა შენთა ყოველთავე გულისჴმის-ყოფით იტყოდე და არასადა გევენოს.

43. შეაწუხე სნეული მცირედ ჟამ, რაჲთა არა განუგრძელდეს სნეულებაჲ, ანუ-თუ მოკუდეს სრულიად დუმილისა მის შენისაგან მავნებელისა.

44. მრავალნი დუმილისაგან მენავეთმოძღურისა ჴგონებდეს, თუ კეთილად ვლენ, ვიდრემდის სცეს ნავი მათი კლდესა და შემუსრეს.

45. ვისმინოთ დიდისა პავლესი, ვითარ მიუწერს ტიმოთეს და იტყვს, ვითარმედ: „ამხილე და შეჰრისხენ, და ნუგემინის-ეც ჟამსა და უჟამოსა“ (2 ტიმ. 4,2). ხოლო ჟამი იგი არს, ვითარ მე ვჰგონებ, რაჟამს მოითმენდენ მხილებულნი იგი, და უჟამოდ – რაჟამს ელმოდის და შენუხნებოდინ მისთვის, რამეთუ წყარონიცა, დაღაცათუ არავის სწყუროდის, არა დასცხრებიან აღმოცენებად წყლისა.

46. რომელთამე წინამძღუართა ბუნებაჲ მორცხვ არს და არა ამხილებენ, სადა ჯერ იყოს, მონაფეთა, რომელთაცა ვამცნებ, რადთა არა დასცხრენ საქმეთა მათ მოძღურისათა ქმნად მონაფეთა ზედა, რადთა არა თვთცა ივნონ და მათცა ავნონ.

47. ვისმინოთ ჴმისა მის საღმრთოდაჲ, რომელი იტყვს, ვითარმედ: „მოჰკუეთე ეგე, რადთა არა ქუეყანასაცა აცთუნებდეს“ (შდრ. ლუკ. 13,7); და კუალად იტყვს, ვითარმედ: „მოისპენ უკეთურებაჲ თქუენგან“ (1 კორ. 5,13); და კუალად იტყვს, ვითარმედ: „ნუ ილოცავ ჩემდამო ერისა ამისთვის“ (იერ. 7,16); და ეგრეთვე კუალად საულისთვის ეტყოდა სამოელს, ვითარმედ: „რადსათვს შენ მნუხარე ხარ საულისთვის? და მე განმიგდიეს იგი ჩემგან“ (1 მეფ. 16,1). ამას ყოველსა ჯერ არს, რადთა მეცნიერ იყოს მწყემსი, თუ რომელთა საქმეთა ზედა, და ოდეს, და ვითარ ჯერ არს ყოფად; რამეთუ ღმრთისა არარად არს უჭემმარიტეს.

48. რომელსა თვსაგან შეჰრისხნე და არა შეჰრცხუენდეს, მას, თუცა სიმრავლესა ზედა შეჰრისხნე, არავე ჰრცხუენეს, რამეთუ ჩუეულებაჲ ბოროტისაჲ მოუღებიეს და ცხორებაჲ თვისი მოუძულებიეს.

49. ვიხილენ სნეულნი კეთილნი, რომელთა იცოდეს თვისი მოშეშებაჲ და უთმინოებაჲ. და, დაღაცათუ არა ენება მკურნალთა შეკრვად მათი და ესრეთ კურნებაჲ, არამედ იგინი ევედრნეს ნებსით, რადთა იძულებით და უნებლიაჲთ

ჰკურნოს მათ მკურნალმან, რამეთუ სული გულსმოდგინე იყო საუკუნოვსა მისთვის სასოებისა, ხოლო ჯორცნი უძღურ პირველთა მათთვის ჩუეულებათა, რომელნი-იგი ვიხილენ რად, განვაზრახე მკურნალთა, რადთა ისმინონ მათი.

50. არცა ყოველთადა უწმს წინამძღუარსა მისა მომავალთა თქუმად, თუ იწრო და საჭირო არს ბჭჳ იგი (მათ. 7,14), არცა ყოველთადა უწმს თქუმად, თუ უღელი ტკბილ არს და ტკრთი მცირე (მათ. 11,30); არამედ რადთა თითოეულსა ჯერისაებრ დასდებდეს წამალსა: და რომელნი ძნელოანთა ცოდვათაგან დამძიმებულ იყვნენ და მოუძღურებულ, მეორესა მას ეტყოდის, რომელნი მიდრეკილ იყვნენ სასონარკუეთილებისა მიმართ; და კუალად – რომელთა გონებად სიმაღლისა და ამპარტავანებისა მიმართ მიდრეკილ იყოს, მათთვის პირველი იგი კეთილ არს.

51. რომელთამე ენება გზასა შორსა წარსლვად და ჰკითხეს მეცნიერთა მის გზისათა. და მათ ჰრქუეს, ვითარმედ: „ადვილ არს და ვაკე“. ამისთვისცა სიტყუთა მათითა უდებებით იწყეს სლვად და ნახევარსა გზისასა დაიწსნეს, ანუ-თუ უკუნიქცეს, რამეთუ განუმზადებელ იყვნეს ბრძოლათა მიმართ. და ეგრეთვე წინააღმდგომი გულისწმა-ყავ.

52. სადა სურვილი ღმრთისად მიეახლა, მუნ შიშმან სიტყუათამან ვერ შეუძლო; და სადა შიში გეჰენიისად შევიდა, მუნ ყოველთავე შრომათა თავსდებად ადვილ იქმნა; და სადა სასუფეველისა სასოებად იცნობების, მუნ შეურაცხებად არს ყოვლისავე ქუეყანისად.

53. უწმს კეთილსა ერისთავსა, რადთა მეცნიერ იყოს ერისა მისისა თითოეულისა ძალსა და ახოვნებასა, რამეთუ ნუუკუე იყვნენ ვინმე შორის ერისა მისისა წინამბრძოლ, და მარტოდმბრძოლ, რომელთა უწმს დაყუდებით დაჯდომად.



54. ვერ ძალ-უც მენავეთმოძღუარსა ოდენ, თვნიერ მენავეთა შენვენისა, ნავისა განრინებად, ვერცა მკურნალსა განკურნებად სნეულისა, არა-თუ უჩუენოს სნეულმან მან წყლულებად თვისი და ევედრებოდის მას კურნებად წყლულისა მის.

55. რომელთა ჰრცხუენა მკურნალისაგან, დალპეს წყლულებანი მათნი და მრავალნი მო-ცა-კუდეც სრულიად.

56. რაჟამს ძოვდენ ცხოვარნი, ნუ დასცხრების მწყემსი სტკნვასა სიტყვასა, და უფროდსად – ეგულებოდის რად მათ დაძინებად. და არარადსაგან ეშინის ესრეთ მგელსა, ვითარ სტკნვისაგან მწყემსისა.

57. არცა მარადის დამდაბლება უჯმს თავისა თვისსად უგულისჯმოდ მწყემსსა, არცა მარადის აღმალლება უგუნურად, ვინაფთვან ხედავს პავლეს, დიდსა მოციქულსა, ვითარმედ ორსავე ამას შინა ჯეროვნად იქცეოდა.

58. მრავალგზის უფალმან დაუყვნის თუალნი მორჩილთა ახლადმოსრულთანი, რადთა ვერ ხედვიდენ ნაკლულევანებათა მოძღურისათა, ხოლო რომელთამე წინამძღუართა გამოუცხადნეს მათ იგინი, და ვნებად მოატყუეს.

59. ვიხილე წინამძღუარი, რომელი დიდისა მის სიმდაბლისა მისისაგან შვილთა თვისთა განაზრახებნ, ეგულებინ რად ქმნად რადსადმე; და ვიხილე სხუად, რომელი თვისსა სიბრმესა უგუნურებით გამოუცხადებდა და კიცხევით რომელთამე საქმეთა ზედა განაზრახებნ მათ.

60. ვიხილენ ვნებულნი, რომელთა ვნებულად იწყეს წინამძღურობად, და მცირე-მცირედ შეჰრცხუენა მონაფეთა მათთაგან, და ვნებანი მოიწყდნეს. ხოლო ესე, ვითარ მე ვჭგონებ, სასყიდელმან მან, მათ მიერ ცხოვნებულთამან, ქმნა მათ ზედა, და ექმნა მათ ვნებულად დანყებული იგი საქმე უვნებელობისა მიზეზ.

61. ვეკრძალნეთ, ნუუკუე ნავთსაყუდელსა შინა მოგე-

ბული ზღუასა შინა განვაბნით. იციან თქუმიული ესე, რომელი ჯერეთ დაუმწყსელ არიან კეთილსა შინა და შეველენ ამბოხებათა და ზრუნვათა ჳორციელთა.

62. დიდ არს ქეშმარიტად სულგრძელად და მწნედ მოთმინებად სიცხესა მას დაყუდებისასა და მყუდროებასა და მოწყინებასა მისსა, და რადთა არა ეძიებდეს გარეგან სენაკისა განსლვათა და განცხრომათა, ვითარ იქმან სულმოკლენი მენავენი, და ჟამსა მყუდროებისასა წყალთა შინა ცურვენ. ხოლო ფრიად უზეშთაეს არს არაშიში შფოთთა და ამბოხებათაგან, არამედ დადგრომად მათ შინა შეუშფოთებელითა და აღუძრველითა გულითა, და ყოფად გუამითა კაცთა თანა და გონებითა ღმრთისა თანა.

63. ესეცა, ჳ, საკრველო, საძიებელმცა არს, თუ რომელი დაშვილი მოვალს საშინელსა ამას და ქეშმარიტსა სამშჯავროსა ჩუენსა, ანუ რომელი უბრალოდ მოისწრაფის მსახურებად და მონებად ღმრთისა. რამეთუ ამათ ორთავე გამოსლვანი ურთიერთას წინააღმდეგომ არიან და განყოფილნი მოქალაქობანი უწმან მათ.

64. ყოვლისა პირველად ჰკითხევდ მოსრულსა მას თვსაგან, თუ რად არიან საქმენი მისნი, რადთა ორი სარგებელი მიეცეს აღსარებისაგან: რადთა აღსარებისა მისთვის ჰრცხუენოდის და მარადის იყოს შორს კადნიერებისაგან, და რადთა იცოდის, თუ ვითართა ტვრთთა მისთა თავსმდებელ-ქმნილ ვართ და სიყუარულად აღიძრვოდის.

65. ნუცამცა ამას უმეცარ ხარ, ჳ, პატოსანო, ვითარცა-იგი არცა უმეცარ ხარ. ნუ იყოფინ! ვითარმედ ღმერთი განიკითხავს შეცოდებულთა ადგილისაებრცა და გონებისა და ზრდილობისა. და ეგრეთვე შენ იქმოდე, რამეთუ ფრიადი განყოფილება არს საქმეთა შინა ცოდვისათა.

66. მრავალგზის უუძღურესი უმდაბლესცა არნ გონებითა; ამისთვისცა უსუბუქესადცა ღირს არს ტანჯვად სუ-

ლიერთა მათ მსაჯულთა მიერ, ხოლო წინააღმდეგომი ამისი საცნაურ არს.

67. არა მშვდობა არს, უკუეთუ ლომი ცხოვართა მწყსიდეს; და არა უცთომელ არს, უკუეთუ ვნებული ვნებულთა წინამძღუარ იყოს.

68. უშუერ არს მელი ქათამთა შორის, და უშუერ არს გულისწყრომად წინამძღუართა თანა; რამეთუ იგი ქათამთა შეშქამს, ხოლო ესე – სულთა პირმეტყუელთა ავნებს.

69. იხილე, ნუ ხარ ზომისა უმეტეს წულილადთა საქმეთა გამომეძიებელ, რადთა ესრეთ იქმნა მსგავს ღმრთისა.

70. გაქუნდინ ღმერთი წინამძღურად ყოველთავე საქმეთა შენთა – გულისათა და გარეშეთა. და ნუ რას ზედა იქმ ნებასა შენსა, არამედ მისსა, რადთა იქმნა შენცა უზრუნველ, რაჟამს ყოველივე მისდა მიგენდოს და მისითა წამისყოფითა იქმოდინ.

71. ესემცა საძიებელ არს ჩუენ შორის: უკუეთუ სარწმუნობისათვს ჩუენდა მოსრულთადასა და არა ჩუენისა მოსწრაფებისაგან მოვიდა მადლი ღმრთისა მიერ ჩუენ ზედა, რამეთუ მრავალთა ვნებულთაცა ამით სახითა სასწაულნი ქმნეს.

72. უკუეთუ მრავალთა ჰრქუან უფალსა მას დღესა შინა, ვითარმედ: „უფალო, არა სახელითა შენითა ვწინადაწარმეტყუელებდითა?“ (მათ. 7,22). არა-სადმე ურწმუნო არს ზემოთქუმული ესე თავი.

73. რომელნი გზასა ამას ძლიერად ვიდოდინ, მათ ძლიერიცა და სრული და მტკიცე წამალი წინაუყავ; ხოლო რომელნი ჩჩკლ არიან ჯერეთ გონებითა, მათ სძე ეც, ვითარცა ჩჩკლთა, რამეთუ ჟამი არს თითოეულისა ჭამადისად.

74. ერთმან ჭამადმან რომელთამე გულსმოდგინებად მოატყვს, და მანვე ჭამადმან სხუათა – სულმოკლებად. ამისთვის ჯერ არს, რადთა ჟამისაებრ და პირისა და საზომისა დავასხმიდეთ თესლსა.

75. რომელთამე სულთა წინამძღურობისა საქმე არად შერაცხეს და ჴელ-ყვეს უგუნურებით სულთა წინამძღურობად, და აქუნდა მათ მრავალი სიმდიდრე, და ცარიელნი მის ყოვლისაგან წარვიდეს ამიერ, რამეთუ სხუათა განუყვეს იგი წინამძღურობითა მით.

76. ვითარცა-იგი არიან ჭეშმარიტნი შვილნი, და სხუანი – მეორადისა ცოლისანი, და სხუანი – დაგდებულნი, და სხუანი – მჴევლისაგან, ეგრეთვე მოძღურებადცა თითოსახე იქმნების.

77. არს მოძღურებად ჭეშმარიტი – მიცემად სულისად სულისათჳს მოყუსისა სრულიად; და არს სხუად – პირველთა ოდენ ცოდვათა ტკრთვად; და სხუად არს მის მიერ ბრძანებულთა საქმეთა სიმძიმისა ოდენ ტკრთვად, ნაკლულევანებისათჳს უვნებელობისა და სულიერისა ძალისა.

78. სრულსა მასცა მოძღურებასა შინა დატევეებისაებრ ნებისა მათისა ვიტკრთავთ ჩუენ საშჴველსა.

79. შვილი ერთგული მაშინ იცნობების, ოდეს მამად არა მის თანა იყოს.

80. ასწავებდინ წინამძღუარი მათ, რომელნი წინაშე კაცთასა სიტყუასა უგებდენ მას, და წინაშე დიდთა პირთასა, და ჴკანონვიდენ მათ მძიმითა კანონითა, რაათა სხუათაცა შიში მოეცყუას მათ მიერ, დაღაცათუ მძიმედ ელმოდის და განმწარდებოდინ შერისხვისა მისთჳს, რამეთუ უმჯობეს არს მრავალთა სარგებელი ერთისა სავენებელსა.

81. არიან ვიეთნიმე, რომელნი სიყუარულისაგან უზემთაეს ძალისა იტკრთვენ ტკრთთა სხკსათა სიტყკსა მისთჳს, რომელი იტყკს, ვითარმედ: „უფროდსი ამისსა სიყუარული არავის აქუს“ (იოვან. 15,13) და შემდგომი ამისი; და არიან სხუანი, რომელთა მოუღებეს ძალიცა ღმრთისა მიერ ტკრთვისად და არა იქმან, რაათამცა აცხოვნეს ძმად, და ცხოვრებისა მისისათჳს იტკრთესმცა სიმძიმე. ხოლო მე, ვითარცა

სიყუარულისაგან უცხოთა, ვაბრალე მათ და სანყალობელ მიჩან. ხოლო პირველთა მათთჳს მიპოვნის ნერილი, ვითარმედ: „რომელმან გამოიყვანოს პატიოსანი არანმიდებისაგან, ვითარცა პირი ჩემი იყოს იგი“ (შდრ. იერ. 15,19), და კუალად, რომელი იტყვს: „ვითარცა უყავ მას, გეყავნ შენ“ (შდრ. აბდ. 1,15).

82. იგიცა გულისჴმა-ყავ, ვითარმედ მრავალგზის გონებით ცოდვად წინამძღურისად უძკრეს განიკითხვის საქმით ქმნასა მონთვისასა, რამეთუ უადვილეს არს ცოდვად მვედრისად, ვიდრე ბოროტად განზრახვად ერისთავისად.

83. ასწავლიდი მონაფეთა შენთა, რადთა ჴორციელთა ცოდვათა არა იჴსენებდენ სახითა ვითარ ექმნას, ხოლო სხუასა ყოველსავე იჴსენებდენ ღამე და დღჳ, ვითარ ექმნას.

84. ასწავებდი, რადთა ყოვლითურთ უმანკო იყვნენ ურთიერთას, ხოლო ბრძენ და მრავალღონე – ეშმაკთა მიმართ, და ამას ზედა სახედ მისცემდი თავსა შენსა.

85. ნუმცა დაგეფარვის ურთიერთას სიყუარულიცა სამწყსოთა შენთად, რამეთუ ღონე არს მგელთად დაჴსნილთა მიერ მოსწრაფეთაცა დაჴსნად.

86. ნუ უდებ ხარ უდებთათჳს ლოცვად, არა-თუ რადთა შეიწყალნენ – რამეთუ ესე შეუძლებელ არს, ვიდრემდის იგინი არა შეგენოდინ – არამედ ამას ილოცვედი, რადთა ღმერთმან მოსწრაფებად მოიყვანნეს.

87. უძღურნი მწვალებელთამცა თანა ნუ მივლენ ჴამად, ვითარცა ნერილ არს მამათა მიერ; ხოლო ძლიერთა, უკუეთუ ენებოს წარსლვად და ჴამადცა, დიდებად უფლისა მივიდოდედ.

88. ნუ ჴმიზებობ უმეცრებასა, რამეთუ რომელმან არა იცოდის და ქმნას ღირსი გუემისად, იგუემოს, რომელ არა ისწავა (შდრ. ლუკ. 12,48).

89. სირცხვლ არს მწყემსისაგან შიში სიკუდილისაჲ; ვინაჲთგან მორჩილებაჲცა ესე არს უშიშებაჲ სიკუდილისაგან, მაშა არა უფროჲსად წინამძღურობასა უჴმსა უშიშებაჲ სიკუდილისაჲ?

90. გამოიძიე, ზ, ნეტარო, თუ რომელთა სათნოებათა თვნიერ არა იხილვების უფალი, და იგინი ასწავენ ყოვლისა უწინარეს შვილთა შენთა. ხოლო ყოვლისავე დედათა და სავენებელთა პირთა ხილვისაგან განაშორენ.

91. ძალისაებრ და საზომისა თითოეულისა ჩუენსა ქუეშე მყოფთაჲსა განვაგნეთ საქმენი მათნი, რამეთუ არავისი ჯერ არს ნავთსაყუდელისაგან განვლენაჲ.

92. პირველ ჯეროვნისა გამოცდისა ჴელთა ნუ ვის დავასხამთ (ნუუკუე ვერ თავს-იდვან სიცხე და შრომაჲ მონოზონებისაჲ და სოფლად მიიქცენ) ნუ ქრთამისათჳს, ნუცა დიდთა შვილობისათჳს, რამეთუ საშჯელისა თანამდებ არიან ესევეთარნი, და რომელთა დაესხნენ მათდა ჴელნი, არა უბრალო იყვნენ.

93. ვინ-მე არს ესევეთარი მნც ღმრთისაჲ, რომელსა თჳსნი ცრემლნი და შრომანი თავისა თჳსისათჳს არღარა ეჴმარებინ, არამედ სხუათათჳს ჴყოფს მათ ღმრთისა მიმართ ურიდად?

94. ნუ დასცხრები სულთა და ჴორცთა შეგინებულთა ნმიდა-ყოფად, რაჲთა არა თჳსისა ოდენ სულისა, არამედ სხუათაცა სულთათჳს მიიხუნე ღმრთისა მიერ გკრგკნი, სახე რაჲ კეთილისა ექმნე სხუათა და შენ ძლით იდიდოს ღმერთი.

95. ვიხილე უძღური ვინმე ძმაჲ, რომელმან უძღურებაჲ სხჳსა უძღურისაჲ სარწმუნოებით განწმიდა, რაჴამს ურცხვნელობაჲ საქებელი იჴმარა მისთჳს ღმრთისა მიმართ და სული თჳსი სულისა მისისათჳს დადვა, გარნა სიმდაბლით, და მისისა კურნებისაგან თავი თჳსიცა განკურნა; და ვიხილე სხუაჲ, რომელმან ამპარტავანებით ეგრეთვე ქმნა, და ესმა

რისხვით, ვითარმედ: „მკურნალო, განიკურნე პირველად თავი შენი“ (ლუკ. 4,23).

96. იქმნების ჯმნად კეთილისაგან უზემთაესისა კეთილსათვს, ვითარცა რომელი-იგი წამებისაგან დაცვულ იქმნა, არა-თუ რამეთუ მას ეშინოდა, არამედ სხუათა მათთვის, რომელნი მისგან ირგებდეს და განათლდებოდეს.

97. არს კაცი, რომელი სხუათა პატივისათვს მისცემს თავსა თვსსა შეურაცხებად, და სხუათა მიერ შერაცხილ არს გემოთმოყუარედ და მაცთურად და იგი არს ჭეშმარიტი.

98. უკუეთუ რომელსა აქუნდეს სიტყუად სარგებელისად და არა მისცემდეს უშურველად, და არა განერეს იგი ბრალისაგან, მაშა რაფომი ბრალი მოინიოს, საყუარელო, მას ზედა, რომელსა ძალ-ედვას საქმიტცა შენევენად და არა შეენიოს.

99. იწსენ, რომელი-ეგე წსნილ ხარ ღმრთისა მიერ, აცხოვნე, რომელი-ეგე ცხოვნებულ ხარ, განარინენ მიმავალნი სიკუდილად და მოიყიდენ, რომელნი-იგი მოიკლვოდინ ეშმაკისაგან, რამეთუ ესე არს საქმწ უზემთაესი ყოვლისავე საქმისა და ხედვისა კაცთა და ანგელოზთასა.

100. რომელი ღმრთისა მიერ მოცემულითა მისდა სინმიდითა სხუათა ბილწებასა განსწმედდეს, გამოაჩინებს თავსა თვსსა შემწედ უწორცოთა მათ ძალთა, რამეთუ უბიწოთა მსხუერპლთა შესწირავს იგი ღმრთისა. და ესე საქმწ ანგელოზთად არს, რამეთუ შენირონ მისა ძლუენი სულთად ყოველთა, რომელნი არიან გარემოდს მისსა (შდრ. ფსალმ. 75,12).

101. არარად ესრეთ გამოაჩინებს ჩუენდა მომართ დაბადებელისა ჩუენისა კაცთმოყუარებასა და სახიერებასა, ვითარ ესე, რომელ დაუტევნა ოთხმეოცდაათცხრამეტნი და მოვიდა მოძიებად შეცთომილისა მის ერთისა ცხოვარისა.

102. ეკრძალე შენცა, ზ, ნეტარო, და ყოველი მოსწრაფებად შენი და სიყუარული და მჭურვალეებად და ვედრებად

ღმრთისად შეცთომილსა და შემუსრვილსა ზედა აჩუენე, რამეთუ სადა დიდ იყვნენ სენნი და წყლულებანი, მუნ უეჭუელად დიდნიცა სასყიდელნი მიეცემიან.

103. გამოვიძიოთ და გულისწმა-ვყოთ, რამეთუ არათუ ყოვლადვე სამართლისა შჯად უვმს წინამძღუარსა უძღურებისათვს.

104. ვიხილენ ორნი მოსაჯულნი წინაშე მსაჯულისა ყოვლადბრძნისა, და უსამართლოდ იგი, ვითარცა უძღური, განამართლა, ხოლო მართალი იგი, ვითარცა ახოანი, განაცრუა, რადთა არა მართლმსაჯულობითა უმეტესი განხეთქილება იქმნას, და თვსაგან თვთოეულსა უთხრა საქმე თვისი, და უფროვსად – რომელი-იგი უძღურ იყო.

105. ველი მწუანვილოანი ყოველთავე ცხოვართათვს კეთილ არს; ხოლო სწავლად და მოწსენებად სიკუდილისად ყოველთავე სიტყვერთა ცხოვართათვს კეთილ არს და სარგებელ.

106. შეურაცხ-ჰყოფდი და ჰკდემდი სულგრძელთა წინაშე უძღურთასა, რადთა სხვსა წამლითა სხვსა წყლულებად განჰკურნო, და სულგრძელთა მათ მოთმინებად უმეტესი ასნაო.

107. არასადა განუქიქებებს ღმერთსა აღსარებად ვისიმე, რადთა არა დააბრკოლნეს აღმსარებელნი იგი განქიქებითა მით და მერმე უკურნებელად დასნეულდენ.

108. დაღაცათუ წინაღსწარცნობისა მადლი გუაქუნდეს, ნუმცა ჩუენ უთხრობთ შეცთომილთა მათ ცთომასა პირველვე, არამედ უფროვსად იგინი ღონისძიებით მოვიყვანნეთ, რადთა მათცა აღსარებითა მით პოონ ღხინებად ცთომისა მის მათისად.

109. შემდგომად აღსარებისა უმეტეს პირველისა მივსკვთ მათ ჩუენდა მომართ კადნიერებად, რამეთუ ამით სახითა დიდად წარემართნენ ჩუენდა მომართ სარწმუნოებასა



და სიყუარულსა. და კუალად გკლირს, რაათა ვასწავლიდეთ მათ ქონებად ჩუენდა მომართ შიშისა, და ჩუენ კუალად სახესა სიმდაბლისასა ვაჩუენებდეთ მათ.

110. იხილე, ნუუკუე უზომომან სიმდაბლემან შენმან ნაკუერცხალი ცეცხლისა შეკრიბოს თავთა ზედა შვილთა შენთასა.

111. გულისჯმა-ყავ, ნუუკუე არიან შენსა მაგას ვენაჯსა ხენი, რომელნი ოდენ ქუეყანასა აცთუნებენ, და ნუუკუე სხუასა ადგილსა შემძლებელ არიან ნაყოფიერებად, რომელთაცა სიყუარულით აღმოფხურად და სხუასა მას ადგილსა დანერგვად ნუ უდებ ვიქმნებით.

112. ნუუკუე შემძლებელ იყოს წინამძღუარი სოფლისა მახლობელთაცა ადგილთა დაუბრკოლებელად ქმნად სათნოებისა, არამედ ეკრძაღენ მის თანა მყოფთათჳს. და უკუეთუ მუნ ენებოს ყოფად, ნუ შეიწყნარებნ ძმათა ვნებულთა, რამეთუ არა-თუ ყოველი არა-შენწყნარებად ხენებ არს.

113. უკუეთუ სულიერი დაყუდეზა აქუნდეს მკურნალსა, ჳორციელი არა ფრიად საჯმარ არს მისდა კურნებასა მას შინა სნეულთასა. უკუეთუ კულა პირველი იგი არა აქუნდეს, მეორეც ესე იჯმარენ.

114. არად არს ესრეთ კეთილად შეწირული ჩუენ მიერ ღმრთისა ძღუენი, ვითარ სულთა პირმეტყუელთა სინანულითა მისდა მიჰყოზა.

115. ყოველივე სოფელი ერთისა სულისა არა ღირს არს, რამეთუ იგი წარვალს, ხოლო ესე უკუნისამდე ჳგიეს. ამისთჳს უკუე ნუ ჰნატრი, ნეტარო, რომელნი საფასეთა, არამედ – რომელნი ცხოვართა პირმეტყუელთა შესწირვენ ქრისტესა.

116. უბინომცა არს მსხუერპლი შენი, თუ არა, რად სარგებელ-გეყოს?

117. ვითარცა-იგი მიცემად ჳერ იყო ძისა კაცისა, ხოლო

ვა მისდა, რომლისა მიერ მიეცეს! ეგრეთვე წინააღმდეგობი ამისი გულისწმა-ყავ, ვითარმედ ცხოვნებად ჯერ იყო ყოველთა მოსწრაფეთად, ხოლო სასყიდელი მისი არს, რომლისა მიერ ცხოვრებად მათი იქმნა.

118. შემდგომად ღმრთისა, ძალიცა დიდი გკვმს სულიერი, ზ, წმიდაო მამაო, რადთა რომელთა-იგი ჴელ-გკყოფიეს წმიდასა მას წმიდათასა შეყვანებად და შეწირვად საკურთხეველსა ღმრთისასა, ვიდრემდის წინაშე კართა შესავლისათა იყვნენ, უკუეთუ ვიხილნეთ იგინი სიმრავლისა მისგან ხენეშისა შეიწრებულნი, უპყრათ ჴელთა მათთა, ვითარცა ჩჩკლთა, და ხენეშისა მისგან გულისსიტყუათაჲსა განვათავისუფლნეთ. უკუეთუ კულა ფრიად ჩჩკლ და უძღურ იყვნენ, მწართა ზედა ჩუენთა ვიტკრთნეთ და აღვამაღლნეთ, ვიდრემდის შევლონ კარი იგი იწროდ და საჭიროდ, რამეთუ ყოველივე შეიწრებად და ტენებად მუნ იქმნების. ამისთჳსცა იტყოდა წინააღსწარმეტყუელი, ვითარმედ: „ესე არს შრომად ჩემ წინაშე დიდი, რადთამცა ერთოდენ შევედ სინმიდესა ღმრთისასა“ (შდრ. ფსალმ. 72,16).

119. თქუმულ არს ჩუენ მიერ ზემოთა მათ თავთა შინა, ზ, მამათა მამაო, მის მამათა მამისათჳს და მოძღურისა მოძღუართაჲსა, თუ ვითარი იყო: სიბრძნითა ზეცისაჲთა ყოვლითურთ შემკობილი, ჯეროვნად მამხილებელი, წმიდად, მონყალე, შემნდობელ, ბრწყინვალე; და ყოვლისა უმჯობესი ესე იყო მის თანა, რომელ უკუეთუ ვინ იხილის, ვითარმედ ჰნებაჲს ცხოვრებად, უმეტესი მოსწრაფებად დადვის მის ზედა და კუალად – რომელნი იხილნის, თუ აქუს თჳსი ნებად და სიყუარული საქმისა რაჲსაჲმე, ესრეთ ისწრაფის მონყუედად ნებისა მის, რომელ ყოველნივე ივლტოდიან ქონებად რაჲსაჲმე ზედა ნებისა თჳსისა. და იტყოდა ამასცა სანატრელი იგი, ვითარმედ: „უმჯობეს არს განძებად მონასტრისაგან, ვიდრე შენდობად ნებისა თჳსისა ქონებად მონაფეთა;

რამეთუ რომელმან განაძის, მრავალგზის განძებული იგი დაამდაბლის, ხოლო რომელი მიუშუებდეს ნებასა თვისსა, ვითარცა-სახედ მონყალებით, მან ყოს, რაფთა ჟამსა სიკუდილისასა საწყალობელად სწყევდენ მას, რამეთუ აცთუნნა და ვერარაჲ არგო მათ“.

120. აქუნდა ესეცა ჩუეულებაჲ დიდსა მას, რომელ შემდგომად მწუხრისა გალობისა დაჯდის იგი საყდართა ზედა გუამითა ძელისასა, და სულითა მადლთასა, ვითარცა მიუფც. და გარემოადგიან მას, ვითარცა ბრძენნი ფუტკარნი, კეთილი იგი კრებული და ვითარცა სიტყუათა ღმრთისათა, ისმენდეს სიტყუათა მისთა, და ჰმორჩილებდეს ბრძანებათა მისთა: და რომელსამე უბრძანებნ ორმოცდაათისა ფსალმუნისა, და რომელსამე – ოცდაათისა, და რომელსამე – ასისა თქუამად პირველ დაძინებისა, და რომელსამე ეგრეთვე მუჭლთდრეკასა უბრძანებნ; და სხუასა ქუეჯდომით ძილი მისცის; და სხუასა ჟამი განუწესის წიგნისკითხვისაჲ; და სხუასა უბრძანის ლოცვად დადგომად განწესებულსა ჟამსა. და დაედგინეს ორნი ძმანი ზედამდგომელად, რაფთა დღისი აყენებდენ ცუდადმეტყუელებისაგან, და ღამით კუალად ცუდისა მღვძარებისაგან, ანუ ურთიერთას თანა უბნობისა. და კუალად, ტაბლასაცა ზედა თითოეულისადა წესი განენესა დიდსა მას, რამეთუ არა-თუ ყოველთა ჭამადი ერთი იყო, არამედ თითოეულისა წესი დაედვა; და რომელსამე ჳმელსა პურსა და წყალსა უბრძანებნ მიღებად კეთილი იგი მნც, და სხუათა უმეტესად-რე ნუგეშინის-სცემნ. და საკვრველი ესე იყო, რომელ ყოველსავე უდრტვნველად, ვითარცა პირისაგან ღმრთისა შეინწყნარებდეს; და აქუნდა ქუემო-კერძო დიდისა მის ადგილი იგი დილეგისაჲ, რომლისათჳს ვთქუთ, და ზემო-კერძო დიდისა მის მონასტრისა კუალად სხუაჲ ლავრაჲ, რომელსა შინა ძლიერთა მიავლინებნ დაყუდებად ძლიერი იგი და სრული.

121. ნუ შეუნდობ, გევედრები, ნრფელთა, რაათა არა გულარძნილ იქმნენ, არამედ უფროდსად გულარძნილნი, უკუეთუ ძალ-გედვას, მოიყვანენ სინრფოებად.

122. სრულიად უვნებელ-ქმნული იგი შემძლებელ არს კეთილად და ჯერისაებრ ქმნად საშჯელისა, რამეთუ ნაკლულევანებად უვნებელობისად სცემს გულსა მსაჯულისასა და არა შეუნდობს ჯეროვნად ყოფად საშჯელისა.

123. სარწმუნოებისა მართლისა სამკვდრებელი დაუტევე ყოვლისა პირველად შვილთა შენთა, რაათა არა ოდენ შვილნი, არამედ შვილისშვილნიცა შესწირნე უფლისა მართლმადიდებლობით.

124. ჭაბუკთა მჭურვალეთა და ქედფიცხელთა დაქენჯნად ნუ შეინყალებ, რაათა ჟამსა სიკუდილისასა გადიდონ შენ.

125. ამასცა ზედა სახედ შენდა იყავნ დიდი იგი მოსე, ჭ, ყოვლადბრძენო, რამეთუ ვერ შეუძლო მორჩილთა მათ მისთა ფარაოდსაგან განთავისუფლებად, ვიდრემდის ჭამეს უფუარი.

126. უფუარი ესე არს, რაათა არა აქუნდეს მოწაფესა მიშუებად ნებასა თვისსა, რამეთუ ნებად აღამალლებს კაცსა, ხოლო უფუარი მარადის მდაბალ არს. ხოლო ველისყრდელად გულისწმა-ვყოთ სიფიცხც იგი მხილებისა და კდემისა მოძღურისად და იწროებად იგი მარხვისად, რომელი ექმნის სიმწარე ჯორცთა, ხოლო არნ იგი ტკბილ სულისა უფროდს თაფლისა გოლეულისა.

127. ხოლო მე, ჭ, მამათა მამაო, რომელი ამას შენ მოგინერ, ვძრნი სიტყვსა მისგან, რომელი იტყვს, ვითარმედ: „რომელი სხუასა ასწავლი, თავსა თვისსა არა ექმნები მასწავლელ“ (რომ. 2,21). ხოლო ან ესეოდენ ვთქუა და სარბიელი სიტყვსა ჩემისად დავაცადო.

128. რომელი სინმიდისა მიერ ღმრთისადა შეყოფილი იყოს, სხვსა სიტყუად სწავლად არა ეჯმარების, რამეთუ სი-

ტყუად იგი დაუსაბამოდ აქუს მოძღურად და წინამძღურად და განმანათლებლად მისა ნეტარსა მას, ვითარცა-ეგე არს შენი სინმიდწ, რომელსა არა სიტყვთა ლიტონითა მეცნიერ ვარ, არამედ საქმით გამოცდილ ვარ შენსა მას ყოვლად-წმიდასა გონებასა, მომსრველსა მწეცთა მათ ბოროტასა, სიმშკდითა შენითა და სიმდაბლითა, მსგავსად დიდისა მის რჩულისმდებელისა მოსესა, რომლისა კუალსა შეუდეგ, და კნინლა მასცა წარჰყედ სინმიდისა და ქალწულებისა მადლი-თა, რომლისა მიერ უფროდს ყოვლისა შესაძლებელ არს მი-ახლებად ღმრთისა, წმიდისა მის და უხრწნელისა, რომელი-იგი მომნიჭებელ არს უხრწნელებისა და აღამაღლებს ქუე-ყანით ზეცად მოღუანეთა მათ. რომლისათვისცა შენცა, ვი-თარცა ცეცხლისა ეტლითა, მსგავსად დიდისა მის ელიაძსა ამადლებულმან, არა-თუ ოდენ მეგჰკტელი იგი მოაკუდინე და ქჷშასა მას შინა სიმდაბლისასა დაჰმალე, არამედ მთადცა აღხუედ და ღმერთი იხილე ეკლოანითა და ფიცხლითა და ძნად შემავალითა მოქალაქობითა.

129. და ჴამად ღმრთისად გესმა, და ნათელი მისი იხილე, და ჴამლნი იგი, რომელ არიან ვნებათა ნივთნი, წარიჴადენ ფერჴთაგან სულისათა, და უპყარ ბოლოსა მისსა, რომელი-იგი ანგელოზთაგან ვეშაჰ იქმნა, და მღჴმესა ქუესკნელსა შთაჴჴადე იგი, და ფარაოს მძლე-ექმენ მაღალსა მას და ამ-პარტავანსა, და მეგჰკტელნი ჴგუემენ, და მათნი პირმშონი მოსწყედენ, რომელ-ესე დიდ არს საკრველებით. ამისთვისცა უფალმან გარწმუნა შენ წინამღურობად ძმათად, რომელნი-ცა იჴსნენ შენ, ნეტარო, ფარაოდაგან და ბოროტისა მის ალიზისა, და მიეც მათ სუეტი ცეცხლისა და ღრუბლისა საღმრთოდად, დამშრეტელისა ყოვლისავე ვნებათა საჴუმი-ლისა. და არა ესე ოდენ, არამედ მენამული ესე და ცეცხ-ლისფერი ზღუად განუჴე მათ, რომელსა შინა მრავალნი და-ვინთქმით, და მძლედ გამოაჩინენ იგინი კუერთხითა მწყემ-

სობისა შენისადათა, და ყოველნი მდევარნი მათნი სრულიად დაანთქენ; და ამას ზედა ამაღეკიცა იგი ამპარტავანებისაჲ, რომელი შემდგომად ზღვსა განვლისა შეემთხუევის, მოსწყვდე აღპყრობითა ჳელთადათა, შორის საქმისა და ხედვისა, ერისა მისთჳს ღმრთისა მიერ შენდა რწმუნებულისა, და მძლე-ექმენ წარმართთა, და მთად უვნებელობისა აღიყვანე ერი შენი. მღღელნი დაუდგინენ მათ, წინადაცუეთაჲ ვნებულებისაჲ ასწავე, რომლისა თჳნიერ არა იხილვების ღმერთი, არა-თუ იქმნას წინადაცუეთაჲ ვნებათაჲ და მოსლვაჲ სინმდისაჲ; და სიმაღლედ ახუედ და ყოველი უგულისჳმოებისა ბნელი განჳკუეთე, და მიეახლე ნათელსა ფრიად უაღრეს მაყულოანისა მის, და ღირს იქმენ შენ ჳმასა საღმრთოსა, ღირს იქმენ ხედვასა და წინაღსწარმეტყუელებასა, და იხილე ზურგი-კერძო ღმერთი, ესე იგი არს საუკუნოჲ იგი ყოფადი ნათელი, და გესმა ჳმაჲ იგი, ვითარმედ: „ვერ იხილოს კაცმან პირი ჩემი“ (გამოს. 33,20). და მერმე სიღრმესა მას სიმდაბლისასა შთახუედ ქორებს შინა, და თანა გაქუნდეს ფიცარნი ღმრთივნერილნი გულისჳმის-ყოფისანი, და დიდებულ იყო პირი სულისაჲცა და ხორცთაჲ. ხოლო რაჲ-მე ვთქუა ჳბოჲსა მისთჳს? ჳ, საქმჳ იგი, ჳ, შემუხსრვაჲ იგი ფიცართაჲ! და მერმე რაჲ? უპყარ ჳელსა ერისასა, და განავლე უდაბნოჲ იგი და წყურილისა მის აღი დაშრიტე, და წყარონი მათ ცრემლთანი მოანიჭენ ძელისა მიერ, რომელ არს ჳუარცუმაჲ ჳორცთაჲ ვნებათა თანა და გულისთქუმათა.

130. და წარმართნი იგი ბოროტნი ცეცხლითა ღმრთისამიერთა დასწუნენ, და იორდანედ მოხუედ (რამეთუ არარაჲ არს დამაყენებელ მცირედ-რაჲმე სახისა მის ძუელისა დატეობაჲ), რამეთუ განჳკუეთე იგი დიდად მდინარჳ და ქუემონი წყალნი ზღუასა მას მარილთა და სიკუდილისასა მისცენ, და სხუანი იგი წყალნი სიყუარულისანი ზემოთ დააგუბენ, წინაშე თუალთა სულიერთა მათ ისრაელთაჲსა. და ჳბრძანე ათორმეტ-

თა მათ ლოდთა მოღებად, გინა-თუ მოციქულთა რიცხვ მათ მიერ აღაშენე, ანუ-თუ რვათა მათ ვნებათა ძლევაჲ და ოთხ-თა მათ დიდთა სათნოებათა მოგებაჲ მოასწავე, და მკუდარი იგი და უნაყოფოდ ზღუაჲ ზურგიტ დაუტევე სრულიად, და იერიქოდ მიხუედ ქალაქად, და დაჰბერე ნესტუსა ლოცვისასა შკდისა ამის შკდეულისა ჟამთა სანუთროფსათა, და დაარღვენ ზღუდენი იგი და სძლე, ვიდრელა შენცა შემწისა მიმართ უნივთოფსა ლაღადებდი, ვითარმედ: „მტერისა მახვლსა მოაკლდა სრულიად“ (ფსალმ. 9,7) და ზღუდენი იგი ვნებათა ჩემთანი დაირღვენ“.

131. ხოლო ვთქუა უმეტესიცა: იერუსალჴმდ ახუედ, რომელ არს ხილვაჲ სრულისა მის მშკდობისაჲ, და ქრისტე იხილე, ღმერთი იგი მშკდობისაჲ, და მის თანა იღუანე, ვითარცა კეთილმან მჴედარმან, მის თანა ჯუარს-ეცუ ჴორცითა ვნებათა თანა და გულისთქუმათა, და იქმენ შენცა ღმრთისა მიერ ღმერთ ფარაოფსა და ყოვლისავე წინააღმდგომისა ძალისა, და ქრისტეს თანა დაიფალ, და შთაჰჴედ მის თანა უფსკრულთა მათ ღმრთისმეტყუელებისათა, და ნელსაცხებელი მიიღე მეგობართა მათ სათნოებათაგან და ესრეთ აღდეგ, რამეთუ რაჲ დამაყენებს თითოეულად თქუმად: აღსდეგ მესამესა დღესა, ესე იგი არს შემდგომად ძლევისა სამთა მათ მძღავრთა: ნაყროფანებისა და ვეცხლისმოყუარებისა და მზუაობრობისა; და უფროფსად შემდგომად განწმედისა სულისა და ჴორცთა და გონებისა გულისთქუმისაგან და გულისწყრომისა და გულისსიტყუათა. და მთად ზეთისხილთაფსა აღჴედ (რამეთუ ჯერ არს შემოკლებაჲ და არა გრძელად სიბრძნისმეტყუელებაჲ სიბრძნითა სავსისა მიმართ, და უფროფს ჩუენ ყოველთა მეცნიერისა), რამეთუ აღჴედ მთასა მას, რომლისათჴს წმიდაჲ იგი იტყოდა: „მთანი მაღალნი ირემთა“ (ფსალმ. 103, 18), სულთა მათ, მომსრველთა ვნებათასა.

132. ამისა უკუე შემდგომად შენცა აღხუედ და აღიხი-  
ლენ ზეცას თუალნი, რამეთუ კუალად სიტყვსა წესი სიტყვსა  
მიმართ მივიყვანო. გუაკურთხენ ჩუენ, მონაფენი, და განი-  
ცადე წინამდებარე იგი სათნოებათა კიბე, რომლისაცა,  
მადლითა მით ღმრთისადათა მოცემულითა შენდა, საფუძვე-  
ლი დასდევ, ვითარცა ბრძენმან ხუროთმოძღუარმან, და  
უფროდსლა აღსასრული ჰყავ. დაღაცათუ სიმდაბლისა სი-  
ღრმითა ჩუენი ესე გლახაკი და უსწავლელი პირი აიძულე  
ერისა შენისა მიმართ აღებად, და არა საკურველ არს, რა-  
მეთუ მოსეცა უწესდა თავსა თვსსა ჴმანულილად და ენა-  
ბრგუდ, არამედ მას აპრონ ჰყვა კეთილად მეტყუელი. ხო-  
ლო შენ, ჴ, ნეტარო, არა უწყი, თუ რად მოხუედ წყაროდ  
განჴმელად და აღვსებულად მყუართაგან ეგვპტისათა და  
უფროდსად ნაკუერცხალთა ეგვპტისათა.

133. და, ვინაფთგან არა ჯერ არს დატეობად სახესა და  
იგავსა შენისა მის აღსლვისასა აღუსრულებელად, ამისთვის  
კუალად პირველსავე სიტყუასა მოვიდე: რამეთუ აღჴვედ  
მთასა მას წმიდასა, და თუალნი ზეცად აღიხილენ, და ფერჴი  
კიბესა სათნოებათასა დასდგი, აღხუედ და აჴმალლდი, და  
აღჴფრინდი და აჴმალლდი ღაღადებითა, და მტერთა მძლე-  
ექმენ, და მოსწყდენ, და წინანარუძელუ, და უფროდსლა  
ანცა მარადის გჴძღუ ჩუენ ყოველთა, რამეთუ აღსრულ ხარ  
თავსა მას წმიდისა მის სათნოებათა კიბისა და შეერთებულ  
ხარ სიყუარულსა; ხოლო სიყუარული არს ღმერთი, რომლი-  
საჲ არს დიდებაჲ და სიმტკიცე ან და მარადის და უკუნიითი-  
უკუნისამდე. ამინ.





## ანდერძები

### Ath.5

#### იოვანე სვინკელის ანდერძი 983 წ.

ქრისტე, ადიდე სულითა მამად და მოძღუარი ჩუენი იოვანე, და მიეც მადლი წინამძღურებისად განმანათლებელად სულთა, ვითარცა მიეც წმიდათა ამათ მამათა, რომელნი წერილ არიან წიგნსა ამას.

ქრისტე, ადიდე სულითა მამად იოვანე სვინკელი, და მიეც მადლი მორჩილებისად და ღირს-ყავ სასუფეველსა შენსა.

ქრისტე, ადიდე სულითა წმიდად მამად ეფთჳმე, ამისი თარგმანი, და მიეც სული სიბრძნისა შენისად, და განაძლიერე თარგმანებად წიგნთა საცხოვრებელად სულთა ჩუენთა. ამინ. იყავნ.

სახელითა მამისადათა და ძისადათა და სულისა წმიდისადათა, მეოხებითა წმიდისა ღმრთისმშობელისადათა და ყოველთა წმიდათადათა, რომელნი საუკუნიტგან სათნო-ეყვნეს უფალსა ჩუენსა:

ესე წმიდად წიგნი მე, იოვანე სვინკელმან დაენერე ბრძანებითა წმიდისა მამისა და მოძღურისა ჩემისა იოვანესითა და ეფთჳმესითა, სასწავლელად და სარგებელად სულთა ჩუენთათჳს; ან ვინცა იმსახურებდეთ, ღმერთმან დაგაჯეროს, ლოცვასა მოგკჳსენენით, რადათა თქუენცა ქრისტემან შეგინყალნეს. ამინ.

დაიწერა ქუეყანასა საბერძნეთისასა, უდაბნოსა მთანმიდისასა, მეფობასა ბასილისსა და კოსტანტისსა, პატრიაქობასა ნიკოლაოს ხრუსოვერგისასა, დასაბამითგანთა წელთა ხფჳ[ვ], ქრონიკონი იყო სგ.

### საბასი

მე საბა, ამისი უცბად მჩხრეკალი, გევედრები ყოველთა წმიდათა, რომელნი წიგნსა ამას იკითხვიდეთ, ღმერთმან დაგაჯეროს, ლოცვა-ყავთ, და თუ რაჲმე დამეკლოს, შემინდვეთ, რადათა თქუენცა ღმერთმან შეგინდვენეს ყოველნი ცოდვანი. ამინ.

## ლექსიკონი

**ბაყლი** - ჭუჭყი, ლაფი.

**განზრახება** - რჩევა, დარიგება (შვილთა თვსთა განაზრახებენ).

**განლიგება** - გაშტერება (ვითარცა განლიგებული დგა).

**განმწნობა** - გამხნეება, გაძლიერება (სურვილითა საღმრთოთათა განმწნდებიან).

**გბოლვილი** - მოხარშული, წვნიანი.

**გოლეული** - ფიჭის თაფლი.

**გულშეღებული** - გულნასული.

**დაბებკული** - დაკონკილი, დაფლეთილი.

**დაკანებული** - გასქელებული (მუხლნი დაკანებულნი).

**დალიჭი** - სასამართლო (მივალწინაშე საყდარსა და დალიჭსა საშინელსა).

**დამახრწვეელი** - ხელის შემშლელი (ძვრისსენებად ... დამახრწვეელი არს ვედრებათა).

**დაუყენებელად** - შეუფერხებელად, შეუჩერებელად (ზეცად დაუყენებელად აღვიდეს).

**დახრწევა** - ხელის შეშლა, დაბრკოლება (ღმრთისა მიერ იყო დახრწევა იგი).

**დაჰამება** - დაამება (დააჰამის რად ღვწომან გული კაცისად).

**ველისყრდელი** - ერთგვარი მწარე ბალახი.

**თავმოთნება** - თავმოწონება, ამპარტავნება.

**თავექი** - თავის ტკივილი.

**თელგმა** - ჩირქი.

**თულუხუავი** - მიუკერძოებელი.

**თვთრჩულობა** - თავნებობა.

თხიერი - ტიკი.

**ინიოხი** (ბერძ.) - მხედარი, (საბრძოლო ეტლის) მეეტლე.

**კდემა** - შერცხვენა, ყვედრება, ძრახვა (სუმაჲ კდემისა და ყუედრებისაჲ); მორიდება.

**კელობა** - კოჭლობა.

**კიცხევა** - დაცინვა, შეურაცხყოფა (ეკიცხევდეს ეშმაკნი).

**კრულევა** - შეკრულობა; ბორკილი; წყევლა, შერჩვენება.

**ლხინება** - მიტევება; განკურნება; ხსნა.

**მანქანა** - მოწყობილობა, იარაღი; მზაკვარი, ბოროტებაში დახელოვნებული.

**მანქანება** - ხერხი, ღონე; ვერაგობა.

**მართლუკუნ** - უკან.

**მაჩუენებლობა** - თვალთმაქცობა.

**მაცილობელი** - მოკამათე, მოდავე.

**მედგარი** - ცუდი, ავი, ვერაგი; ზარმაცა.

**მმურკვენი** - გამათეთრებელი.

**მოდნობა** - მონელება (ადვილად მოსადნობელი).

**მოზავება** - შეწყობა, შეფერება (თითოეულისა ცხოვრებასა მოეზავებოდინ).

**მომდოვრება** - დამშვიდება (მრავალგზის მოამდოვრისცა).

**მოპოვნებული** - მოგონილი.

**მოქმნა** - დამუშავება (მოქმნას ქუეყანად).

**მოყმობა** - დამშევა (მუცელსა მოყმობდა).

**მოყსობა** - მოყვასობა, მეგობრობა.

**მოშურნე** - შურიანი; ძალიან მონადინებული, მონდომებული (კეთილისა ქმნად მოშურნე ვიყვნეთ).

**მონყინება** - სულიერი უძლურება.

**მონყლვა** - დაჭრა, დაზიანება (მონყლვავ გულთა მათთა).

**მოჭირება** - მოჭერა (მოაჭირე ჭიმითა გონებასა განმკითხველსა მოყუასისასა).

**მსტოვრობა** - ჯაშუშობა, თვალთვალი (მალვით იმსტოვრობდეს).

**მღერა** - თამაში (სიძვისა ეშმაკი ემღერის); ცეკვა; დაცინვა.

**მყო(ვ)არ ჟამ** - დიდხანს.

**მყუარი** - ბაყაყი.

**მცონარება** - სიზარმაცე.

**მნამღველობა** - გრძნეულება, ჯადოქრობა.

**მწვრე** - ტალახი, მყრალი ჭუჭყი (გულნი ვნებულნი და მწვრითა სავსენი).

**მჭახი** - მკვახე ყურძენი.

**მჭკუერველი** - მძარცველი, ამომგდები, წამხდენი (საფლავის მჭკუერველნი არა შეშინდებიან ადრე).

**მწცე** - ჭალარა.

**ნასხმანი** - სახსარი, იოგი.

**ნივთება** - თხზვა, ხლართვა (ცუ-დადმეტყუელებითა ნივთებდეს სიცილსა); გულდასმით კეთება.

**ოლვა** - ფშენეტა, დაზელვა (იოლნის თუალნი თვსნი).

**პატიჟი** - სასჯელი.

**პოხილი** - ნოყიერი, მსუქანი.

**საგოზელი** - შესალესავი, გაჯი.

**სამურკნვლო** - სამრეცხაო.

**საოლავი** - წასასმელი (ზეთი, წამალი).

**საქუსალი** - საქსოვი (მონყობილობა) (საქუსლითა... მოქსოილი).

**საცნობელი** - გრძნობის ორგანო (დაცვაჲ საცნობელთაჲ დაუკლებელი)

**საჭირო** - ძნელი (საჭირო გზაჲ მარხვისაჲ).

**სახე** - გამოსახულება; შესახედ-აობა; ნიმუში, მაგალითი; ნიშანი, სიმბოლო.

**საჯელი** - სახელო (შეიხვა საჯელითა ჯელი თვსი).

**სიბორგილე** - გახელება, სიგიჟე.

**სიგუესე** - მზაკვრობა

**სიმარცხე** - მოუხერხებლობა (სიმარჯვე-ს ანტონიმი).

**სიფიცხლე** - სისასტიკე, სიმკაცრე.

**სიფუდულე** - უკეთურება, ამპარტავენება.

**სიღნიოშე** - უწმინდურება.

**სიცოფე** - სიგიჟე; სისულელე.

**სურვიელი** - მსურველი; მოწადინე.

**ტენება** - (მი)ჯრა.

**უენებელობა** - ვნებების არქონა, ვნებებისაგან თავისუფალი სულიერი მდგომარეობა, სულიერი სიჯანსაღე, დიდი სულიერი სინმინდე.

**უკუ(ლ)მართ** - უკან.  
**უმაღლო** - უმაღური.  
**უნდო** - უვარგისი; მდაბიო.  
**უტყუელი** - მართალი; ჭეშმარიტი.  
**უფუარი** - უსაფუაროდ გამომცხვარი.  
**უძღები** - უნესო; ურცხვი; გაუმადლარი.  
**უხდელად** - მოუნოდებლად (უფალი ჩუენი უხდელად მოვიდა).  
**ფილაფოზობა** - ფილოსოფოსობა, საერო სიბრძნე.  
**ქარიანნი ჭამადნი** - საკვები, რომელიც გაზების დაგროვებას იწვევს.  
**ქედფიცხელი** - ურჩი.  
**ქენება** - ხვეწნა-მუდარა, დაყვაება; მლიქვნელობით ლაპარაკი.  
**ქენჯნა** - ტანჯვა (ქედფიცხელთა დაქენჯნად ნუ შეინყალებ).  
**ქცევა** - სვლა; ყოფნა; შეცვლა; მიბრუნება (ნუმცა იქცევის უკუ-ღმართ); ტრიალი.  
**ღლია** - იღლია.  
**ღონე** - ხერხი; ხრიკი; საშუალება.  
**ყენება** - შეჩერება (აყენებდენ ცუდადმეტყუელებისაგან); დაბრკოლება.  
**შარავი** - ჩირქიანი წყლული.  
**შებრკუმობა** - დაბრკოლება, შეცდენა (ურწმუნოებითა შეუბრკუმეს).  
**შეგინებული** - ბილწი; დასვრილი.  
**შეყენებული** - შემწყვედული (შეყენებულნი იგი მფრინველნი).

**შური** - შური; ბაძვა; ძლიერი სურვილი, მისწრაფება.  
**ცებნა** - ცოდნა.  
**ცოფი** - გიჟი.  
**ცუდი** - ამაო; ფუჭი; უვარგისი (რომელთა უყუარს ცუდი დიდებაჲ).  
**ცუნდრუკება** - ჩურჩული, ავენობა (უცუნდრუკებდ და შეაშფოთე იგი).  
**ცხოველი** - ცოცხალი.  
**ცხრო** - ციებ-ციხელება  
**ძკრი** - ცუდი; ავი; ბოროტი.  
**ძკრისზრახვა** - ცუდის თქმა, ლანძღვა, ბოროტმეტყველება.  
**ძკრისმოცსენე** - გულღრძო, წყენის, მტრობის გულში დამმარხველი.  
**ძკრისცსენება** - გულღრძობა, ცუდის, წყენის გულში დამარხვა.  
**ძკრუცსენებლობა** - ცუდის, წყენის დამვიწყებლობა.  
**წერტა** - ჩხვლეტა (უნერტნ სულსა).  
**წონა** - დახრა, დაღუნვა; მოძრაობა (თავთა დაუცადებელად ინონდიან).  
**ჭიმი** - ლაგამი, აღვირი (მოაჭირე ჭიმითა გონებასა განმკითხველსა მოყუსისასა).  
**ჭრტინვა** - გოდება, ჩივილი (მისა მიმართ ჭრტინავნ); ჭიკჭიკი.  
**ხარტუკი** - რკინის კავი (ვითარცა პირუტყუნი ხარტუკითა).  
**ჰამება** - სიამოვნება (არცაღა საზრდელი... ეჰამებინ).  
**ჰამრი** - ანგარიში, აღრაცხვა, განსჯა.

შენიშვნებისთვის



გამომცემლობა  
**პატარია**

გარეკანზე: „კიბის“ ხატი სინას მთის წმიდა ეკატერინეს მონასტრიდან, XIII ს. უკანა მხარეს: სათნოებათა კიბის „საფეხურების“ ჩამონათვალი. ხელნაწერთა ეროვნული ცენტრი, A-134, XI ს. ფორზაცზე: სინას მთები.

დაიბეჭდა  
შპს „ფავორიტი სტილში“